

**26 НОЯБРЯ: Ио́анна, архиепи́скупа Константи́награда,
Златоустаго.**

Вечером 25 ноября

Изменяемое №1

На Го́споди воззва́х:

Стѹх: Изведи́ из темни́цы ду́шу мою́, испове́датися ѱмени Твоему́.

Стѹх: Мене́ ждѹт пра́ведницы, до́ндеже возда́си мне́.

Стѹх: Из глубины́ воззва́х к Тебе́, Го́споди, Го́споди, услы́ши гла́с мой.

Стѹх: Да бу́дут ѹши Твоѹи внемлю́ще гла́су моле́ния моего́.

Стѹх: А́ще беззако́ния на́зриши, Го́споди, Го́споди, кто́ постои́т; ꙗ́ко у Тебе́ очище́ние е́сть.

Глас 4. Златоковáнную трубу́, Богодохнове́нный орга́н,/ догма́тов пучи́ну неисчерпа́емую,/ Це́ркве утвержде́ние,/ ум Небе́сный, премѹдрости глубинѹ́,/ ча́шу всезлатѹю́,/ излива́ющую ре́ки уче́ний медото́чных и напая́ющую тварь́,/ пе́сненно воспойм.

Стѹх: Ёмне ра́ди Твоего́ потерпѣх Тя́, Го́споди, потерпѣ ду́ша моя́ в сло́во Твое́, упова́ ду́ша моя́ на Го́спода.

Звездѹ́ незаходи́мую,/ заря́ми просвеща́ющую уче́ний всю подсо́лнечную,/ пока́ния проповѣ́дника,/ гу́бу всезлатѹю́,/ мокротѹ́ лю́тую неведе́ния взѣмлю́щую/ и ороша́ющую истáявшая сердца́ грехми́,/ Иоáнна досто́йно Златослове́снаго почти́м.

Стѹх: От стра́жи ѹтренния до но́щи, от стра́жи ѹтренния, да упова́ет Изра́иль на Го́спода.

Земный́ А́нгел и Небе́сный челове́к,/ ла́стовица благоглаго́ливая и многогла́сная,/ добродѣ́телей сокро́вище,/ ка́мень неразсе́дный, ве́рных воображе́ние,/ мѹчеником подо́бен,/ равносто́ятель святы́х А́нгел,/ апо́столов единона́равен,/ в пе́снях да возвели́чится Златоѹст.

Стѹх: ꙗ́ко у Го́спода ми́лость, и мно́гое у Него́ избавле́ние, и То́й изба́вит Изра́иля от все́х беззако́ний его́.

Глас 2: До́м духо́вный оде́янии, ꙗ́ко ка́мени, согражде́н/ и ми́р покрыва́яй,/ премѹдрый Златоѹст.

Стѹх: Хвали́те Го́спода все́и я́зыцы, похвали́те Его́ все́и лю́дие.

**Дом духовен благодати всей/ слова премудрости явися, внутрь
имый,/ Златоусте блаженне.**

Стѹх: Яко утвердѹся мѹлостъ Егѹ на нас, и ѹстина Господня пребываает во вѣк.

Глас 5: Дом священных добродетелей священный/ себе совершил
еси,/ в тебе бо жилище,/ яко во святем храме и честнейшем, отче,
положи, премудро окормив,/ и чувства телесная,/ яко в неокрадоме
сокровищи,/ соблюл еси помышления страстных смущений,
отнюдуже Боговиднейши, преблаженне, быв,/ Церкви
предстательством украшен,/ Христа моли,/ подающего миру
велию милость.

Слава, глас 6: Преподобне, треблаженне, святѣйший отче,/ пастырю
добрый и началопастыря Христа учениче,/ положивый душу за
овцы:/ сам и ныне, всеблагодарен Иоанне Златоусте,/ проси
молитвами твоими/ даровати нам велию милость.

И ныне, Богородичен: Кто Тебе не ублажит, Пресвятая Дево;/ кто ли не
воспоет Твоего Пречистаго Рождества;/ безлетно бо от Отца
возсиявый Сын Единородный,/ Тойже от Тебе, Чистая, пройдет,
неизреченно воплощься,/ естеством Бог Сый,/ и естеством быв
Человек нас ради;/ не во двою лицу разделяемый,/ но во двою
естеству/ неслитно познаваемый./ Того моли, Чистая Всеблаженная,
помиловаться душам нашим.

<далее см. основной Чин>

[Изменяемое №2](#)

[Прокимен после «Свете тихий»:](#) *См. Прокимен дня <далее см. основной Чин>*

[Изменяемое №3](#)

[Паримии:](#)

Прѹтчей чтѣние (главы 10, 3, 8):

Память праведнаго с похвалами,/ и благословение Господне на
главе его./ Блажен человек, иже обрете премудрость,/ и смертен, иже
увѣде разум./ Лучше бо сию куповати,/ нежели злата и сребра
сокровища./ Честнейшая же есть камней многоценных,/ все же
честное недостойно ея есть./ Долготѹ бо дней и лета живота в
деснице ея,/ в шуйце же ея богатство и слава./ От уст ея исходит
правда,/ закон же и милость на языке носит./ Послушайте ѹбо мене,
о чада!/ Честная бо рекѹ:/ и блажен человек, иже пути мой сохранит:/

исходи бо мой – исходи животá,/ и уготовляется хотение от Господа./ Сего ради молю вас/ и предлагаю мой глас сыновом человеческим./ Яко аз, премудрость, устроих совет,/ и разум, и смысл аз призвах./ Мой совет и утверждение,/ мой разум, моя же крепость./ Аз мене любящих люблю,/ ищущии же мене обрящут благодать./ Разумеите убо, незлобиви, коварство,/ ненаказанныи же, прилагайте сердца./ Послушайте мене и паки, честная бо реку,/ и отверзу от устен правая,/ яко истине поучится гортань моя,/ мерзски же предо мною устны лживыя./ С правдою вси глаголы уст моих:/ ничтоже в них стропотно, ниже развращенно./ Вся права суть разумевающим/ и проста обретающим разум./ Научаю бо вас истине,/ да будет о Господе надежда ваша,/ и исполнитесь Духа.

Премудрости Соломоновы чтение (главы 10, 6, 8, 9):

Уста праведнаго каплют премудрость,/ устне же мужей мудрых ведут благодать./ Уста мудрых поучатся премудрости,/ правда же избавляет их от смерти./ Скончавшуся мужу праведну, не погибнет надежда./ Сын бо праведен раждается в живот/ и во благих своих плод правды объимет./ Свет праведным всегда,/ и от Господа обрящут благодать и славу,/ язык мудрых добрая свесть,/ и в сердце их почиет мудрость./ Любит Господь преподобная сердца,/ приятни же Ему вси непорочнии в пути./ Мудрость Господня просвещает лице разумнаго:/ постигает бо желающия ю,/ прежде даже разумети ю,/ и удобь узрится от любящих ю./ Утреневавый к ней не утрудится,/ и бдий ей ради вскоре без печали будет./ Яко достойных ея сама обходит, ищущи,/ и во стезях ея является им благоприемне./ Мудрости никогдаже одолеет злоба./ Сих ради и рачитель бых доброты ея,/ и возлюбих ю, и поисках от юности моей./ И взысках невесту привести себе,/ яко всех Владыка возлюбих ю./ Тайбница бо есть Божия хитрости/ и обретательница дел Его./ Труды ея суть добродетели:/ целомудрию же и разуму та учит,/ правде и мужеству,/ ихже потребнее ничтоже есть в житии человеком./ Аще же и многоискусства желает кто,/ весть древняя и быти хотящая разсмотрит:/ свесть извятия словес и разрешения гаданий,/ знамения, и чудеса проразумеет,/ и сбытия времен и лет,/ и

всем советник есть благ./ Яко безсмертие есть в ней/ и благославие во общении словес ея./ Сего ради беседовах ко Господу,/ и помолихся Ему,/ и рех от всего сердца моего:/ Боже отцев и Господи милости,/ сотворивый вся Словом Твоим/ и мудростию Твоею устроивый человека,/ да владеет бывшими от Тебе тварями/ и да управляет мир в преподобии и правде,/ даждь ми Твоих Престолов приседящую премудрость/ и не отлучи мене от отроков Твоих,/ яко аз раб Твой и сын рабыни Твоея./ Посли ю с Небес от святого жилища Твоего/ и от Престола славы Твоея,/ да, сущи со мною, научит мя,/ что благоугодно есть пред Тобою,/ и наставит мя в разум,/ и сохранит мя в славе своей./ Помышления бо смертных вся боязлива/ и погрешительна умышления их.

Премудрости Соломоновы чтение (главы 4, 6, 7, 2):

Похваляему праведнику возвеселятся люди:/ безсмертие бо есть память его,/ яко от Господа познавается и от человеков,/ и угодна Господу душа его./ Возлюбите убо, о мужие, мудрость и поживете,/ восхощите ея и наказани будете,/ Начало бо ея – любви и соблюдение закона./ Почтите премудрость, да во веки царствуете./ Возвещу вам и не скрью от вас таин Божиих,/ яко Той мудрости Наставник есть,/ и мудрых Исправитель,/ и всякому смыслу и делу Хитрец./ И всем смыслом научит мудрость:/ есть бо в ней Дух Разумен и Свят,/ и сияние Света Присносущнаго,/ и образ благодати Божия;/ та я други Божия и пророки устрояет./ Благолепнейши же есть солнца/ и паче всякаго сотворения звезд,/ свету сосуждаема, обретается первейши./ Та я, угождающая ей, от болезни избави/ и настави на стези правыя./ Дадé им разум имéти свят,/ и сохранит от ловящих,/ и подвиг крепок подаде им./ Да разумеют вси,/ яко сильнейши всего есть благочестие./ И никогдаже преможет злоба мудрости,/ ниже прейдет, злыя обличаючи, суд./ Рекоша же в себе, помысливше неправедно:/ насильствуем праведнаго/ и не пощадим преподобства его,/ ни усраимся седин старости многолетны./ Будет бо нам крепость закон,/ и уловим праведнаго,/ яко негоден нам есть:/ и противится делом нашим,/ и поносит нам отпадение закона,/ и обличает нам согрешения наказания нашего./ Возвещает

нам разум имѣти Божий/ и отрока Господня себѣ именует./ Бысть
нам на обличѣние помышлений наших,/ и тяжек нам есть, и видимъ:/
яко неподобно инымъ житиѣ его,/ и изменены стези его./ В поруганіе
вменихомся ему:/ и удаляется от путей наших, яко от нечистот,/ и
блажит послѣдняя праведных./ Увидимъ убо,/ аще словеса его
истинна суть,/ испушимъ, яже сбываются ему./ Руганіемъ и мукою
истяжемъ его,/ да разумеемъ кротость его,/ и испушимъ беззлобство его:/
смертию безобразною осудимъ его,/ будетъ бо посещение от словесъ
его./ Сия помыслиша и прельстишася:/ ослепи бо я злоба их./ И не
разумѣша таинъ Божіихъ,/ и не разсудѣша, яко Ты еси Богъ Единъ,
живота имѣяй и смерти власть,/ и спасаая во время скорби,/ и
избавляя от всякаго зла./ Щедръ и милостивъ,/ и дай преподобнымъ
Своимъ благодать,/ и Своєю мышцею гордымъ противляйся.

<далее см. основной Чин>

Изменяемое №4

Литія *глас 1:*

Светильниче Иоанне, уста златосіянная,/ удобрѣние Богодѣянныхъ
добродѣтелей,/ обиталище писаний тайноначальныхъ:/ ты пречистое,
Всесвятаго Духа нетлѣнное сокровище былъ еси,/ отнюдуже
возвеселилъ еси всю Церковь/ спасительнымъ твоимъ словомъ сущимъ,
дерзновѣние убо обретъ к Богу,/ в наслажденіи Горняго наслѣдія/
молися о насъ, отче святѣйшій.

Излияся благодать во устнахъ твоихъ,/ преподобне отче Иоанне
Златоусте,/ сего ради помози ты Богъ архиерѣя людемъ Своимъ,
паствити паству Его в преподобіи и правде./ Тѣмже, препоясанъ
оружіемъ Сильнаго,/ пресѣклъ еси языковрѣдія ересей,/ и нынѣ не
престай моляся/ умирѣти миръ и спасти души наша.

Глас 2: Тя, великаго архиерѣя и пастыря,/ незлобива и преподобна,
покаянія проповѣдника,/ златословѣсная уста благодати,
восхваляюще любовь, молимся:/ преподаждь намъ молитвы твои,
отче,/ во спасѣніе душъ нашихъ.

Златыми словесы твоими,/ Церковь, яко утварию златою,
украшившися,/ Иоанне Златоусте,/ невестнически радующися, вопіетъ
тебѣ:/ насытѣхся отъ твоихъ златоточныхъ водъ,/ украсившися

златотканными и медозлатыми питий;/ от деяния бо в видение возвождуся/ кратких ради твоих поучений/ и со Христом, умным Женихом, соединяюся, царствующи с Ним./ Тем и мы, совокупльшися в память твою, зовем:/ не престай моляся за ны ко Господу,/ еже спасти души наша.

Приял еси, иерарше, Горнейшую философию/ и вне мира был еси,/ живя выше видимых,/ и зеркало нескверное Божие Божественно показался еси,/ и сый, присно соединен Светом,/ свет принимал еси,/ и яснейший блаженный получил еси конец./ Молися, Златоусте, о душах наших.

Глас 4: Глаголы златозарнейшими/ землю яве напоил еси,/ златоточиву имея душу же и тело, всеблаженне,/ вся позлатив словесы твоими,/ златоделателю догматов твоих,/ и, книги написав златописанные,/ возлетел еси на Небеса./ Тем вопиём ти:/ златоточиве и Златоусте,/ Христа Бога моли спасти души наша.

Слава: Подобаше Царствующему градов/ Иоанна имети архиерея,/ якоже некую утварь царскую/ и златокованную трубу,/ вся оглашающую концы спасительными догматы/ и вся совоздвигающую к ревности пеней Боголепных./ К немуже возопийм:/ златослове и Златоусте,/ Христа Бога моли спасти души наша.

И ныне, Богородичен: Тя стену стяжахом, Богородице Пречистая,/ и благоутешное пристанище, и утверждение,/ темже молим, иже в житий обуреваемых,/ управи и спаси ны.

<далее см. основной Чин>

Изменяемое №5

По полиелѣи седален глас 8:

Сокровище явился еси духовное Божественными твоими словесы,/ яко войстинну мира, Златоусте, просияв концем,/ богатство спасительное всем подал еси,/ наставляя, блаженне, люди к покаянию./ Тем и течение совершив жития,/ Престолу предстоиши Вышняго, приснопамятне Иоанне Златоусте,/ моли Христа Бога грехов оставление даровати/ празднующим любовью святую память твою.

Сла́ва, и ны́не, Богоро́дичен: Небе́сную дверь и киво́т,/ пресвяту́ю го́ру, све́тлый о́блак воспо́йм,/ неопали́мую купину́, словесный рай,/ Е́вы воззва́ние, вселенны́я все́я вели́кое сокро́вище,/ я́ко спасе́ние в Ней соде́лася ми́ра и оставле́ние дре́вних согреше́ний./ Сего́ ра́ди вопи́ем Ей:/ моли́ся Сы́ну Твоему́ прегреше́ний оставле́ние дарова́ти/ благоче́стно покланя́ющимся все́святóму Рожде́ству Твоему́.

<далее см. основной Чин>

Изменяемое №6

Степе́нна, 1-й антифо́н 4-го гласа.

Прокі́мен *глас 4:* Уста́ моя возглаго́лют премудро́сть, и поуче́ние се́рдца моего́ ра́зум. *Стих:* Услы́шите сия́ вси язы́цы, внуши́те вси живу́щии по вселенне́й.

<далее см. основной Чин>

Изменяемое №7

По 50-м псалме́ стихі́ра *Глас 6:*

Излия́ся благода́ть во устна́х твои́х, преподо́бне о́тче,/ и был еси́ па́стырь Христо́вы Це́ркве,/ уча́ словесны́я о́вцы/ ве́ровати в Тро́ицу Единосу́щную/ во еди́ном Божестве́.

<далее см. основной Чин>

Изменяемое №8

Кано́н Пресвяты́я Богоро́дицы *глас 8.*

Песнь 1

Ирмо́с: Во́ду проше́д, я́ко су́шу,/ и египетскаго зла́ избежа́в,/ израи́льтянин вопия́ше:/ Изба́вителю и Бо́гу на́шему по́йм.

Мно́гими содержи́мь напа́стьми,/ к Тебе́ прибега́ю, спасе́ния иски́й:/ о Ма́ти Сло́ва и Де́во!/ От тяжких и лю́тых мя спаси́.

Страсте́й мя смуща́ют прило́зи/ мно́гаго уны́ния испо́лнити мою ду́шу:/ умири́, Отрокови́це, тишино́ю Сы́на и Бо́га Твоего́, Всенепоро́чная.

Спа́са ро́ждшую, Тя и Бо́га молю́, Де́во, изба́виться ми лю́тых:/ к Тебе́ бо ны́не прибега́я,/ простира́ю и ду́шу, и помышле́ние.

Недугую́ща те́лом и душе́ю,/ посеще́ния Божественнаго и промы́сления от Тебе́ сподо́би,/ еди́на Богома́ти, я́ко благая, Благо́го же Родите́льнице.

Песнь 1.

Ирмос: Колесницегонителя фараона погрузи/ чудотвори́й иногда/ Моисейский жезл, крестообразно порази́в/ и раздели́в море,/ Изра́иля же беглеца́, пешехо́дца, спасе́,/ песнь Бо́гови воспева́ющая.

Покая́ния быв тепле́йший пропове́дник, Златоу́сте,/ пока́йтесь мне, о́тче, Бо́гу моли́ся от все́го се́рдца моего́/ и дре́вних прегреше́ний исцели́ти я́звы/ твои́м страда́тельством умоли́.

Всю зарю́ Свята́го Ду́ха, о́тче, при́йм,/ все́свѣтел яви́лся еси́ столп, предводи́телен Цѣ́ркве, преподо́бне,/ свѣтел же о́блак, всеблаже́нне,/ осеня́ющ правосла́вных собо́ры.

От Христа́ рукоположе́н учи́тель,/ Божѣ́ственная уче́ния златови́дным язы́ком,/ мы́слию же Богому́дрою богáтно ты источи́л еси́:/ Бо́жия бо река́, вод испо́лнен Ду́ха,/ яви́лся еси́, Богоявле́нне Златоу́сте.

Богородичен: Преукра́шена разли́чием благода́ти, Богора́дованная,/ О́тчее Сло́во, плоть бы́вшее за благоутро́бие мно́гое па́че ума́ и словесе́,/ Благослове́нная, родила́ еси́,/ пребы́вши Де́ва нескве́рная.

Песнь 3

Ирмос: Небе́снаго кру́га Верхотво́рче, Го́споди,/ и Цѣ́ркве Зижди́телю,/ Ты мене́ утверди́ в любви́ Твое́й,/ желáний кра́ю, ве́рных утвержде́ние,/ Еди́не Человеколю́бче.

Предста́тельство и покрóв жи́зни мое́й полага́ю Тя, Богороди́тельнице Де́во,/ Ты мя окорми́ ко приста́нищу Твоему́,/ благи́х вино́вна, ве́рных утвержде́ние, еди́на Все́петая.

Молю́, Де́во, душе́вное смущéние и печа́ли мое́й бу́рю разори́ти:/ Ты бо, Богоневéстная, нача́льника тишины́, Христа́, родила́ еси́,/ еди́на Пречи́стая.

Благоде́теля ро́ждши до́брых вино́внаго,/ благодея́ния богáтство все́м источи́:/ вся бо мо́жеши, я́ко си́льнаго в крѣ́пости Христа́ ро́ждши, Богоблаже́нная.

Лю́тыми недуги́ и болѣ́зненными страстьми́ истязáему,/ Де́во, Ты ми помози́:/ исцелéний бо неоску́дное Тя зна́ю сокрови́ще,/ Пренепоро́чная, неизживáемое.

Ин Ирмос: Утверждѣй в началѣ Небесá разумом/ и зѣмлю на водах основáвый,/ на камени мя, Христѣ, заповедей Твоих утверди,/ яко несть свят, пáче Тебѣ, еди́не Человеколю́бче.

Умо́м Ты Христо́вым обога́щая,/ твои́м чи́стым жити́ем/ челове́ком спасéния был еси́ споспéшник и повествова́тель, де́йствитель, Златоу́сте,/ учи́тельства точá спаси́тельная, Богодохнове́нне.

От невест́ественных сокровищ Ду́ха ты обогати́вся,/ от исто́чников спасéния почéрпл еси́ приснотеку́щий исто́чник учéний/ и напои́л еси́ все́ Цérкве, преподо́бне óтче, лице́.

Оляденéвшия душе́вные, Златоу́сте, н́вы,/ премудры́м земледéланием словéс изчи́стил еси́, му́дре,/ и плодоно́сны показáл еси́,/ Небéсными ту́чами сия́ напая́я, Богоприятне́.

Богорóдичен: Поро́ка в Тебѣ и сквѣрны несть отню́д, Дéво,/ обите́ль же пáче яви́лася еси́ Небéсных бла́гостей,/ в Тебѣ бо всели́ся добродéтелей вся святи́ня, Всенепорóчная.

Седáлен, глас 8: Неизречéнныя му́дрости Богов́идно почéрпл еси́ богáтство рáзума,/ всем сокровищесвова́л еси́ Правослáвия во́ды,/ вѣрных у́бо сердца́ Божéственне веселя́щая,/ неvéрных же мнéния досто́йно погружа́ющая:/ тем ото́боюду благоче́стия по́тами показáлся еси́ непобéдный Трóицы побóрник, Иоáнне Златоу́сте./ Моли́ Христа́ Бо́га грехóв оставлéние дарова́ти/ прáзднующим любóвию святу́ю пáмять твою́.

Слáва: Сущую́ свѣ́ше му́дрость позна́в/ и благода́ть словéс от Бо́га всем просия́л еси́, я́ко зláто в горни́ле,/ и Святу́ю Трóицу, Еди́ницу, проповéдал еси́,/ сребролю́бную лесть устрели́в словесы́ твои́ми./ Тémже и рéвностию цари́цу обли́чив,/ Áриево посра́мил еси́ иноплеме́нное кичéрие, Иоáнне Златоу́сте,/ моли́ Христа́ Бо́га грехóв оставлéние дарова́ти/ прáзднующим любóвию святу́ю пáмять твою́.

И ны́не, Богорóдичен: Пла́мень геéнский и сгорéние,/ плач, и́же в нем и рыда́ние,/ зело́ ока́йнейшее разлучéние и горча́йшее, святи́х насле́дия/ и собра́ния ра́достнаго, помышля́юще, содрогни́ся, душе́ моя́, и возстени́ ,/ и писа́ния тми́нных долго́в твоих истреби́ти потщи́ся умилéния слезáми,/ Споспéшницу непосты́дную иму́щи,

**Чистую Богоматерь:/ Тоя бо ради прегрешений даётся оставление/
Сию Богородицу православно славящим.**

Песнь 4

Ирмос: Услышах, Господи,/ смотрения Твоего таинство,/ разумех дела Твоя/ и
прославих Твое Божество.

**Страстей моих смущение,/ Кормчию рождающая Господа,/ и бурю
утиши моих прегрешений, Богоневестная.**

**Милосердия Твоего бездну призывающе подаждь ми,/ иже
Благосердаго рождающая и Спаса всех поющих Тя.**

**Наслаждающиеся, Пречистая, Твоих дарований,/ благодарственное
воспеваем пение,/ ведуще Тя, Богоматерь.**

**На одре болезни моея и немощи низлежащу ми,/ яко благолюбива,
помози, Богородице,/ единая Приснодево.**

**Надежду, и утверждение,/ и спасения стену недвижиму имуще Тя,
Всепетая,/ неудобства всякаго избавляемся.**

Ин Ирмос: Ты моя крепость, Господи,/ Ты моя и сила,/ Ты мой Бог, Ты моё
радование,/ не оставь недра Отца,/ и нашу нищету посети./ Тем с пророком
Аввакумом зову Ти:/ силе Твоей слава, Человеколюбче.

**Иного нам апостолов единокравнаго,/ иже промыслением всех
промышляя,/ яко Благ, даде Христос ты, Небеснаго таиноводства
проповедника/ и Божественнаго сказателя таин Горних,/ Иоанне
всеблаженне, Златоусте.**

**Златозарнаго и златословеснаго, почтим Златоустаго Иоанна,/ вся
позлатившаго златовидными сиянии учения/ и мир языком
просветивша,/ злата светлейшим и света полнейшим,/ источающим
благодать Божественную.**

**Весь был еси Божие жилище,/ весь явился еси орган Духа,/ и
возглашающ всякия добродетели Богодохновенную песнь,/ и
спасения вини, и доброту являя Небеснаго Царствия,/ Иоанне
всеблаженне Златоусте.**

**Ты Божие благоутробие проповедал еси,/ покаяния образы
излагая,/ и злых отбежания изящнейше поучая,/ преблаженне и**

всесовершенство, / и о делах изрядных поучения источая, /
всечестно отче Златоусте.

Богородичен: По Бóзе предстательницу Тя стяж́ахом, / Ты бо Бóжия
Мáти была́ еси́ Творца́ и Содетеля, / и наш зрак при́емшаго,
Всепоро́чная, / и сей спáсшаго от тли и смéрти / и сла́вою
Божéственною просла́вившаго.

Песнь 5

Ирмо́с: Просвети́ нас повелéнии Твои́ми, Го́споди, / и мýщицею Твое́ю вы́сокою, /
Твой мир пода́ждь нам; / Человеколю́бче.

Испóлни, Чíстая, весéлия сéрдце мое, / Твою́ нетлéнную да́ющи
ра́дость, / весéлия ро́ждшая Вино́внаго.

Изба́ви нас от бед, Богоро́дице Чíстая, / вéчное ро́ждши
избавлéние / и мир, всяк ум преимýщий.

Разрешí мглý прегрешéний моих, Богоневéсто, / просвещéнием
Твоея́ свéтлости, / Свет ро́ждшая Божéственный и Превéчный.

Исцели́, Чíстая, ду́ши моей неможéние, / посещéния Твоего́
сподо́бльшая, / и здра́вие моли́твами Твои́ми пода́ждь мí.

Ин Ирмо́с: Вскýю мя отрíнул еси́ / от лица́ Твоего́, Свéте Незаходíмый, / и
покры́ла мя есть чужда́я тма́, ока́яннаго; / но обрати́ мя и к свéту за́поведей
Твои́х / путí моя напра́ви, молю́ся.

Церко́внаго светíльника вси тя вéмы световíднейшаго / и душáм
спасíтельного, / восхища́ющаго сий из гортáни смертоно́сныя / и к
жízни путево́дища вéчной, / отче приснопева́емый.

Разруша́еши ополчéния еретíчествующих, требо́жнене, /
оградíвся благочéстия ору́жии и мýжеством ду́ши, священнейше, /
собира́еши же, раду́ясь пресвéтло, / правосла́вных ли́ки сою́зом
Ду́ха.

Испóлнены, я́коже фиáлы, Божéственных аромáт ланíты твои́ / и
вселéнную у́мными благово́нии веселíт / мировáрным
тайновóдством разумéний / и доброто́ю словéс твои́х, всемýдре.

Богородичен: Я́ко Бóга зачéнши, Содетеля́ же, и Зиждíтеля, и
Го́спода, / рóди Тя вси челове́честии, Чíстая, ублажа́ют, / и
Безтелéсных разу́мная чинонача́лия / я́ко Мáтерь Бóжию Тя сла́вят.

Песнь 6

Ирмос: Молитву пролию ко Господу/ и Тому возведу печали моя,/ яко зол душа моя исполнися,/ и живот мой аду приближися,/ и молюся, яко Иона:/ от тли, Боже, возведи мя.

Смерти и тли яко спасл есть, Сам Ся издав смерти,/ тлением и смертию мое естество ято бывшее,/ Дево, моли Господа и Сына Твоего/ врагов злодействия мя избавити.

Предстательницу Тя живота вем, и хранительницу тверду, Дево,/ и напастей решащу молвы, и налоги бесов отгоняюще,/ и молюся всегда от тли страстей моих избавити мя.

Яко стену, прибежища стяжам, и душ всесовершенное спасение,/ и пространство в скорбех, Отроковице,/ и просвещением Твоим присно радуемся, о Владычице,/ и ныне нас от страстей и бед спаси.

На одре ныне немощствуяй лежу, и несть исцеления плоти моей./ Но Бога, и Спаса миру, и Избавителя недугов рождшая,/ Тебе молюся, Благой, от тли недуг возстави мя.

Ин Ирмос: Очисти мя Спасе,/ многа бо беззакония моя,/ и из глубины зол возведи, молюся:/ к Тебе бо возопих, и услыши мя,/ Боже спасения моего.

Мудростию духовною мир весь обогатил еси,/ словесе раздаватель быв богатый:/ богата бо свыше, иерарше,/ благодать излиися твоим устам.

Во всю, яко молния, землю изыде вещание твое,/ и сила же твоих глагол, Златоусте,/ яко труба велегласная, вселенная вся огласи концы.

Свыше во истканную ризу одеаяся, всеблаженне, добродетелей/ и словес красотою обложився,/ истины явился еси славное утверждение.

Богородичен: Вседержительною силою носяй всяческая,/ в немощную плоть из Тебе одеаяся, Дево Пренепорочная,/ на благодеяние человеков Человеколюбец.

Кондак, глас 6: От Небес приял еси Божественную благодать/ и твоими устами вся учиши/ поклоняться в Троице единому Богу,/

Иоáнне Златоу́сте, всеблаже́нне преподо́бне,/ досто́йно хва́лим тя:/ еси́ бо наста́вник, я́ко Божество́нная явля́я.

И́кос: Всех Творцу́ преклоня́ю колéна,/ превéчному Сло́ву ру́ки протира́ю,/ сло́ва ища́ дарова́ние, да воспою́ преподо́бнаго, егóже Сам возвели́чи,/ глаго́лет бо проро́ком Живы́й во ве́ки:/ просла́влю ве́рою сла́влящия Мя./ И́же у́бо в дрéвних Саму́ила возвы́сивый, просла́ви ны́не иерáрха:/ тала́нт бо, ему́же вве́рися, до́бре кúпльствовав, Царю́ принесé,/ тем и превозвы́шши его Пресу́щественный./ Сего́ благода́ти прошу́ недосто́йный аз сло́во прияти ми,/ да возмогу́ благоче́стно воспéти того́:/ конце́й бо той есть наста́вник, я́ко Божество́нная явля́я.

Песнь 7

Ирмо́с: *От Иудéи доше́дше, óтроцы/ в Вавило́не иногда́/ ве́рою Трóйческою пла́мень пéщный попра́ша, пою́ще:/ оте́ц Бо́же, благословéн еси́.*

На́ше спасéние, я́коже восхотéл еси́, Спа́се, устро́ити,/ во утрóбу Дéвы всели́лся еси́,/ Ю́же ми́ру Предста́тельницу показáл еси́:/ оте́ц на́ших Бо́же, благословéн еси́.

Воли́теля мило́сти, Егóже родила́ еси́, Ма́ти Чи́стая,/ умоли́ изба́виться от прегрешéний и душе́вных скверн ве́рою зову́щим:/ оте́ц на́ших Бо́же, благословéн еси́.

Сокро́вище спасéния, и исто́чник нетлéния Тя, Ро́ждшую,/ и столп утверждéния, и дверь пока́яния зову́щим показáл еси́:/ оте́ц на́ших Бо́же, благословéн еси́.

Телéсныя сла́бости и душе́вныя недúги, Богороди́тельнице,/ любóвию присту́пающих к кро́ву Твоему́,/ Дéво, исцели́ти сподо́би,/ Спа́са Христá нам ро́ждшая.

Ин Ирмо́с: *Бо́жия снизхожде́ния/ огонь устыде́ся в Вавило́не иногда́,/ сего́ ра́ди óтроцы в пещу́ ра́дованною ного́ю,/ я́ко во цветнице, ликую́ще, пояху:/ благословéн еси́, Бо́же оте́ц на́ших.*

Бла́гости бéздну и благоутро́бия навы́к Бо́жия,/ поручник яви́лся еси́ спасéния ка́ющимся тёпле/ и вседúшно Го́споду зову́щим:/ благословéн Бог оте́ц на́ших.

Управляеши, Златоусте, учении твоими всякую мысль,/ и душевные врачуеши немощи, яко сострадательнейший,/ и благотекущим споеши, веселися:/ благословен Бог отец наших.

Возвысился еси, быв избран,/ преподобен, незлобив, священник Высочайшего,/ правдою одян светло и веселием, зовый, всебогате:/ благословен Бог отец наших.

Богородичен: Зачала еси, Пречистая, Сущаго над всеми Бога и Господа,/ благоволившаго спасти человеческий род от тления и смерти./ Егоже, достойно поюще, зовем:/ благословен Бог отец наших.

Песнь 8

Ирмос: Царя Небеснаго,/ Егоже поют вси Ангельстии,/ хвалите и превозносите во вся веки.

Помощи иже от Тебе требующия не презри, Дево,/ поющия и превозносящия Тя во веки.

Неможение души моея исцеляеши и телесныя болезни, Дево,/ да Тя прославлю, Чистая, во веки.

Исцелений богатство изливаяеши верно поющим Тя, Дево,/ и превозносящим неизреченное Твое Рождество.

Напастей Ты прилоги отгоняеши/ и страстей находы, Дево./ Темже Тя поем во вся веки.

Ин Ирмос: Седмерицею пещь/ халдейский мучитель/ Богочестивым неистовно разжже,/ силою же лучшею спасены, сия увидев,/ Творцу и Избавителю вопияше:/ отроцы, благословите,/ священницы, воспойте,/ людие, превозносите во вся веки.

Иже разумно словесем твоим беседуяще, Златоусте,/ Богословия честному учимся,/ и всеплодствуем благих полезное,/ и злобы отбегаем вреда:/ общий бо строитель спасения был еси, вопия:/ превозносите Христа во веки.

За ны моли Владыку, Златоусте,/ сострадательнейшее дерзновение имея/ и милостивною и человеколюбною твоею, отче, любовью:/ ты бо ко Спасу предлагаем, вернии, ходатая же, и

предстателя,/ и теплейша молитвенника, Богомудре иерарше, всеблаженне Иоанне.

Юношское противление, и непреклонное мудрование,/ и царствующим неправду обличил еси,/ тепле предстательствуя обидимыя, преподобне;/ и сирот, и вдов, и нищих отец был еси любовным предложением,/ превозносите, вопия, Христа во веки.

Богородичен: Телесными образованияи, и различными гаданияи,/ и символическими, и знаменательными предъявлениями,/ Твое провозвестиша Богоглаголивии рождество,/ преестественное и чудное, Дево;/ тем Тя, веселящися, благочестно воспеваем,/ Христа превозносяще во вся веки.

Песнь Богородицы: Величит душа моя Господа: *<см. основной Чин>*

Песнь 9

Ирмос: *Воистинну Богородицу/ Тя исповедуем,/ спасеннии Тобю, Дево Чистая,/ с Безплотными лики Тя величающе.*

Тока слез моих не отвратися,/ яже от всякаго лица всяку слезу отъемшаго,/ Дево, Христа рождашая.

Радости мое сердце исполни, Дево,/ яже радости приемшая исполнение,/ греховную печаль потребляющи.

Света твоего зарями просвети, Дево,/ мрак неведения отгонящи/ благоверно Богородицу Тя исповедающих.

На месте озлобления немощи смирившася, Дево, исцели,/ из нездравия во здравие претворяющи.

Ин Ирмос: *Ужасеся о сем Небо,/ и земли удивися концы,/ яко Бог явися человеком плоти,/ и чрево Твое бысть пространнейшее Небес:/ тем Тя, Богородицу,/ Ангелов и человек чиноначалия величают.*

Истинно наслаждаяся, отче, жизни,/ о нейже подвизался еси, елико мощно,/ на земли житием преизыществовав Ангельским/ и Христов стяжав язык и уста тихая:/ спастися, Богоглаголиве, моли ты верою изыщне блажащим.

Словеса твоя, треблаженне, словеса жизни,/ жизнь ходатайствующая неконечную:/ ты бо источника текуща покажи Христа/ и реку, проливающу Божественных потоки учений,/

сла́дости и́стинно пото́к, оставле́ния же стру́ю/ и покая́ния све́тла пропове́дника.

Хода́тай яви́лся еси́, священнонача́льниче, Бо́га и челове́ков пресве́тлый,/ ты бо свети́льник яви́лся еси́ благоче́стия Богосве́тлый/ и Боже́ственного зна́ния и ми́лостыни наказа́тель:/ тем ты, златосло́ве, серде́чною любóвию ны́не досто́йно велича́ем.

Богоро́дичен: Чи́стая препросла́вленная Ма́ти Бо́жия,/ пою́щая Тя любóвию спаса́й,/ искуше́ний молвú разреша́ющи ми́лостивно./ Я́ко бо Бо́га ро́ждши,/ вся, ели́ко хо́щеши, соверша́еши,/ успева́еши невозбра́нно и мо́жеши, Де́во./ Тем Тя вси велича́ем.

<далее см. основной Чин>

Изменяемое №9

Свети́лен:

Златоза́рными словесы́ твоими Христо́ва Це́рковь светле́ется я́сно,/ о Златоу́сте о́тче!/ Ду́ши же веселя́тся ве́рных, почита́ющих всесвяту́ю твою́ па́мять,/ ты бо всем показáлся еси́ покая́ния наста́вник и вождь спасе́ния.

Сла́ва: Великогла́снейшаго покая́ния пропове́дника,/ сокрови́ще убо́гих,/ уста́ Це́ркве златáя и благоглаго́ливая, писа́ний явле́ние,/ Иоáнна всему́драго да восхва́лим вси,/ я́ко от того́ утверди́вшееся.

И ны́не, Богоро́дичен: Де́во Всенепоро́чная,/ Госпоже́ моя́ и Влады́чице,/ Твоего́ Сы́на умоли́ с сла́вным Златоу́стом/ напáстей изба́виться всяческих пою́щим Тя/ и ве́чных получи́ти благ, Всесвята́я:/ мо́жеши бо, ели́ка хо́щеши.

<далее см. основной Чин>

Изменяемое №10

На стихóвне стихи́ры глас 5:

Ра́дуйся, златоза́рный и кра́сный/ Це́ркве Богодохнове́нный орга́не;/ язы́че, человеколю́бно покая́ния/ нам разли́чныя о́бразы подпису́ющий;/ уме́ златозра́чный;/ ла́стовице златоу́стая;/ голу́бице же, псалóмски междора́мьями златосия́ющая/ добродéтелей на зла́це;/ стру́я златови́днейшая,/ пролива́ющая во́ды;/ уста́ Боже́ственная/ и Боже́ственного человеколю́бия поручи́тельная,/ Христá моли́ низпосла́ти душáм на́шим ве́лию ми́лость.

Стих: Уста́ моя́ возглаго́лют прему́дрость,/ и поуче́ние се́рдца моего́ ра́зум.

Рáдуйся, сирóт отéц,/ обíдимых бýстрая пóмощь,/ убо́гим
пода́ние, áлчущим пíща,/ грешáщих исправлéние,/ душ
благоугóднейший врачú и честнéйший,/ Богослóвия высóкое
извéство,/ сказáние писáний духóвных,/ закóн дéйственнейший,/
пráвило прáвейшее,/ видéния и дея́ния премúдросте крáйнейшая,/
Христá низпослáти душáм нáшим моли́ вéлию мíлость.

Стих: Уста́ прáведнаго поучáтся премúдрости,/ и язýк егó возглаго́лет суд.

Рáдуйся, Цérковь вопиéт ти,/ женихú своемú, о Златоúсте!/
Просия́вый во всем мíре пáче луч со́лнечных/ добродéтелями и
словесý бисерными,/ пáче мýдрых премúдрейший/ и рíторов
превысочáйший,/ íстинных догмáт побóрниче,/ лжи обличíтелю,
покая́ния учíтелю./ Рáдуйся, тишáйшая знáния пучíно,/ íже, по
Пáвлу вели́кому, уста́ и ум наслéдовав Христóв./ Егóже моли́ душáм
нáшим дáти вéлию мíлость.

Слáва, глас 6: Труба́ златоглáсная показáлся есí,/ златоглаго́ливе
Златоúсте,/ златодéйствуя сердца́ вérных/ златотрúдными тво́ими
учéнии,/ прорóчески бо изýде вещáние исправлéний тво́их,
преподóбне óтче,/ и мíра всего́ концы́ просветíл есí.

И ны́не: Творец и Избавитель мой, Пречистая,/ Христос Господь, из
Твоих ложесн прошед,/ в мя оболкийся, первыя клятвы Адама
свободи./ Темже Ти, Всечистая,/ яко Божии Матери же и Деве,/
воистинну вопием немолчно:/ радуйся, Ангельски, радуйся,
Владычице,/ предстательство и покрове,/ и спасение душ наших.

<далее см. основной Чин>

Утром 26 ноября

Изменяемое №11

По 1-м стихослóвии седáльны *глас 1:*

Златообráзная звезда́, земнýм возсия́л есí, Златоúсте, свéтло,/
Иоáнне всеблаже́нне,/ просвещáя концы́ заря́ми словéс тво́их./ Тем
днесь всесвятýю твою́ пáмять прáзднующе,/ грехóв всех прóсим
оставлéния.

Слáва, и ны́не, Богорóдичен: *<далее см. основной Чин>*

Изменяемое №12

По 2-м стихослóвии седáльны *глас 5:*

Цветника́ словес́ Богодохновённых писаний, / наставляющаго нас к покая́нию, / мно́гая искуше́ния претерпе́вша, / Златоуста́го, ве́рнии, я́ко научи́вшеся от него́, почти́м по до́лгу: / мо́лится бо Го́споду спасти́ся душа́м на́шим.

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь *глас 8:*

Уст твои́х, я́коже све́тлость огня́ возсия́вши, благода́ть / вселе́нную просвети́: / не сребролю́бия ми́рови сокро́вища сниска́, / высоту́ нам смиренному́дрия показá, / но, твои́ми словесы́ наказу́я, о́тче Иоáнне Златоусте, / моли́ Сло́ва Христа́ Бо́га спасти́ся душа́м на́шим.

<далее см. основной Чин>

Изменяемое №14

На хвалíteх стихíры:

Сти́х: Сотвори́ти в них суд на́писан. / Сла́ва сия́ бу́дет всем преподо́бным Егó.

Сти́х: Хвалíte Бо́га во святы́х Егó, / хвалíte Егó во утвержде́нии си́лы Егó.

Сти́х: Хвалíte Егó на си́лах Егó, / хвалíte Егó по мно́жеству вели́чества Егó.

Глас 4. Сосу́д честне́йший Божество́ннаго Ду́ха был еси́ / и па́стырь свяще́нейший, / А́нгел на земли́, столп церко́вный и догма́тов степе́нь, / грешных пору́чник, ка́ющихся Божество́нное утеше́ние, / ни́щих же промы́сленник и сирóт утеше́ние, / Иоáнне Златоусте, / моли́твенниче о душа́х на́ших.

Сти́х: Хвалíte Егó во гла́се тру́бнем, / хвалíte Егó во псалти́ри и гу́слех.

Со́лнце многосве́тлое, / вселе́нную словесы́ твои́ми озаря́я, / был еси́ звезда́ светле́йшая, / свещá светя́щая зарí, / и́же в мо́ри ми́ра всегда́ обурева́емая / привлека́я ко приста́нищу тиша́йшему / спасе́ния благода́тию, златосло́ве Златоусте, / моли́твенниче о душа́х на́ших.

Сти́х: Хвалíte Егó в тимпа́не и ли́це, / хвалíte Егó во стру́нах и орга́не.

А́нгел земный и Небе́сный челове́к, / славíй добропéсниковый, / река́, исполня́ема словес́ных вод, / о́блак ту́чи разу́мныя, / всем нам богáтно ка́плющий, / спасе́ния учи́тель и покая́ния споспéшник, / Иоáнне Златоусте, войсти́нну был еси́.

Сти́х: Хвалíte Егó в кимвáлех доброглас́ных, хвалíte Егó в кимвáлех восклицáния. / Вся́кое дыха́ние да хва́лит Го́спода.

Непράведно от паствы твоея изгнан, отче преподобне,/ приобщился еси скорбем и горьким заточением,/ в нихже удостоился еси блаженные кончины,/ аки доблестственный страдалец,/ победив многокозненного,/ и победы диадимую ты Христос венча,/ Иоанне Златоусте,/ молитвенниче о душах наших.

Слава, глас 8: Златыми словесы и Боговещанными учении/ украсив Божию Церковь,/ богатство духовное сокровищствовал еси в ней,/ твоя Богопреданная словеса./ Тем венец из нетленных цветов сплети песнями,/ священной твоей приносит памяти,/ всезлатый душею с языком, Иоанне Богомудре,/ но, яко имея дерзновение, преподобне,/ молись о душах наших.

И ныне, Богородичен: <см. основной Чин>

Изменяемое №15

Кондак глас 6:

От Небес приял еси Божественную благодать/ и твоими устнами вся учиши/ поклоняться в Троице единому Богу,/ Иоанне Златоусте, всеблаженне преподобне,/ достойно хвалим тя:/ еси бо наставник, яко Божественная являя.

<далее см. основной Чин>

На Литургии

Изменяемое №20

Прокимен, глас 1: Уста моя возглаголют премудрость/ и поучение сердца моего разум. *Стих:* Услышите сия, вси языцы,/ внушите, вси, живущии по вселенней.

Изменяемое №21

Аллилуиа, глас 2: Уста праведнаго поучатся премудрости, и язык его возглаголет суд. *Стих:* Закон Бога его в сердце его, и не запнутся стопы его.